

سوابق منی يك بارلاق بر صورتده تصویر ایدمرك اخلافه غایت نافع وشایان
فخر و شرف مثالر اوانه ایشدر.

فقط بز بو مقاله ده. نامی سرلوچه مزه زینت ویرن دیگر بر صاحب قلمی
قارنریمزه تقدیم ایدم جکسر.

قاضی زاده محمد انوری افندی چکیلش اولدینی نوشته ازواده همان
هیچ کیمسه نك خبری اولمقسرین قرق درت سینه دئیری بوسنه نك تاریخی
تدقیق و تتبع ایتکده در. بو غیور ذات الیوم بر حیات اولوب ظاهر خانه
باقیلرسه کندیسسی ساکن وساکت اطواری ساده وبسیطه تربیه شرقیه
اقتضاسجه متواضع، طبعاً حلیم و سلیم مبارک بر اختیاردر. قرق سینه در
یورولماز بر سعی وثبات ایله چالیشمقده وبوسنه نك احوال ماضیه سینه دأثر
وثائق تاریخی بی طولایوب مطالعه و تصنیف ایله اشتغال ایتکده اولدینی
حاله نام محترمی هیچ بر غزته ده قید بیله ایدلمه مشدر.

مشارالیه بکر صدق افندینک مخدومی وثابت افندینک حفیدی اولوب
۱۲۷۲ سنه هجریه سنده سرای بوسنه ده تولد ایتمشدر. ایکی سنه قدر مکتب صبیانه
دوام ایتدکن صوکره رشیده مکتبه دخول ایله تورکجه، عربجه وفارسی
لسانلری اوکره نهرک مکتب مذکور کوری اکیال ایتمشدر. متعاقباً عازی خسرو
بک مدرسه سینه نقل ایله - آوستریانک اشغالدن صوکره ایلك رئیس العلمای
مقامی احراز ایتش اولان - مفتی حاجی عمروویچ مصطفی حلمی افندینک
حضورده تدرس ایتمشدر. ۱۸۷۱ سنه میلادی سنده حکومت ماموریتنه دخول
ایله مقام ولایتک اوراق قلمنه تعیین ایدمش وایکی سنه صوکره برنجی مقیدلک
رتبه سینه ترفیع ایله بو حاله ایکن آوستریا اشغالی وقوعبولمشدر.

اوزمانه قدر محرواتی بالکسر توکجه لسان ایله یازمش ایسه ده بوسنه نك
اشغالی ائناسنده حسن ایتدیکی لزوم اوزرینه لاتین حروفاتی اوکر نمکله اشغالی
متعاقب تشکک ایدن سرای قضایی اوقاف قومیسسیونه بر ماموریتله تعیین
ایدمش وبالاخره قضای مذکور حکومتی نزدنده طابوسنداتی ایچون کتابته
آیشدر. ۱۸۸۴ دن ۱۸۸۹ قدر طابو امورینک تنظیمی واملاک تکالیفک

تعیینی ضمننده امور مالییه ده استخدام ایدمش اولمشی متعاقباً مصالح شرعیه
ایچون سرای بوسنه ده متشکل دیوان تمیز حقوق محکمه عالی سینه نقل ماموریت
ایشدرکه الحاله هذه محکمه مذکورده اقلام معاونه مدیری صفتیه ایضای
خدمت ایتکده در.

بوسنه نك اشغالدن بر آز اول کوکچی زاده لطفی آغانک کریمه سیله
ازدواج ایدمرك اوچ مخدومی دنیا یه کیشدرکه بونلردن احمد نعم افندی الیوم
نیابت وظیفه سیله موظفدر.

قاضی زاده محمد انوری افندی ایلك مأموریتی اولان اوراق قلمنده ایکن
بوسنه نك اداره سی حقنده برچوق اوراق، مخبرات وثائق رسمیه به دسترس
اولمقله همان بونلری مطالعه ایله ولایتک احوال ماضیه سی حقنده برچوق
معلومات صحیحه قید ایتکه باشلامش وبوسیه ایله کندی ماموریتندن خارج
یرلرده بوسنه نك سوابقه دأثر بر طاقم قیودات تاریخیه جمعیه مباشرت
ایشدر. بوندن قرق درت سینه اول اوراق او طه سنده قید ایتدیکی شیر بوکون
بیله مکمل بر صورتده محفوظدر. کندی مأموریت مدیده سی ائناسنده ادراک
ایتدیکی احوالی - مقام ولایتده کی اعظم مأمورینک تبدلاتیه سرای بوسنه ده
وبوتون ولایتده حادث اولان وقوعات مهمه بی - برنوع وقعه نویس صفتیه
درج وقید ایتمشدرکه بو قیودات بوکون مکمل بر شئونات ولایت تاریخی
تشکیل ایتکده در.

بر وقت، طولایدینی بونجه وثائق تاریخیه نك ترتیب وتنظیمی لزومی
حسن ایتکله بوتون اوراقی تکرار کوزدن کچیرمه باشلامش ومحتوی اولدقلری
وقوعات تاریخیه بی زمان وقوعلری اعتباریه سنه بسنه تصنیف ایتکه عزیم
ایتمشدر. آز بر مدت ظرفنده یورولماز بر سعی وغیرتله بو ایشی کمال موفقیتله
رسیده حسن ختام ایشدرکه بو کلیات تاریخیه مجموعه سی بوکون هربری
۳۰۰ صحیفه دن مرکب اولمق اوزره ۱۸ نجی جلدینه قدر اکیال ایتمشدر. بونلرک
هپسی تورکجه اوله رق غایت اوقوناقی وتمیز بر صورتده یازلمشدر.

شو مجموعه تاریخیه ده مختلف عصیانر ایله اختلالرک صورت وزمان